

**“Кичик бизнесни узлуксиз қўллаб-қувватлаш” комплекс дастури  
иштирокчиларини молиявий ва консултантив қўллаб-қувватлаш  
инструментлари ва улардан фойдаланиш шартлари**

**I. Молиявий қўллаб-қувватлаш инструментлари**

**1. Кредитлар ажратиш:**

**а) 100 миллион сўмгача гаровсиз кредитлар**

Иштирокчилар:	камида бир йил мобайнида фаолият юритиб келаётган якка тартибдаги тадбиркорлар, деҳқон хўжаликлари, ўзини ўзи банд қилган шахслар, ҳунармандлар, касаначилар, нодавлат таълим ташкилотлари, уч ва ундан ортиқ кишини доимий иш билан таъминлаётган кичик тадбиркорлик субъектлари; оилавий тадбиркорлик дастурлари доирасида ўз бизнес лойиҳаларини муваффақиятли амалга ошириб, ижобий кредит тарихига эга бўлган юридик ва жисмоний шахслар
Фоиз ставкаси:	Марказий банк асосий ставкасидан <b>4 фоизлик пункт юқори</b> ставкада
Кредит ажратиш мақсади ва муддатлари:	ишлаб чиқаришни ташкил этиш учун <b>24 ойгача имтиёзли давр</b> билан <b>84 ойгача</b> ажратилади

**б) 150 миллион сўмгача гаров талаби пасайтирилган револьвер кредитлар**

Иштирокчилар:	кичик тадбиркорлик субъектлари
Фоиз ставкаси:	Марказий банк асосий ставкасидан <b>4 фоизлик пункт юқори</b> ставкада
Кредит ажратиш мақсади ва муддатлари:	очиқ кредит линияси асосида ҳар 12 ойда сўндириш шарти билан <b>36 ойгача</b> ажратилади

**в) 1 миллиард сўмгача кредитлар**

Иштирокчилар:	тадбиркорлик фаолиятини кенгайтириш истаги бўлган ва лойиҳалари белгиланган тартибда истиқболли лойиҳа сифатида танлаб олинган қўйидаги <b>кичик тадбиркорлик субъектлари</b> : охирги 12 ойда айланма маблағлари миқдори 500 млн сўмдан 10 млрд сўмгача бўлган; камида <b>беш нафар кишини</b> доимий иш билан таъминлаган
Фоиз ставкаси:	Марказий банк асосий ставкасидан <b>4 фоизлик пункт юқори</b> ставкада

---

Кредит ажратиш асосий воситаларни сотиб олиш учун **24 ойгача имтиёзли давр**  
мақсади ва муддатлари: билан **84 ойгача** ажратилади

---

### г) 1,5 миллиард сўмгача кредитлар

---

Иштирокчилар: тадбиркорлик фаолиятини кенгайтириш истаги бўлган ва лойиҳалари белгиланган тартибда истиқболли лойиҳа сифатида танлаб олинган қўйидаги **кичик тадбиркорлик субъектлари**:  
24 ойдан ортиқ фаолият кўрсатаётган;  
охирги 12 ойда айланма маблағлари миқдори 1 млрд сўмдан 10 млрд сўмгача бўлган;  
камида **ўн нафар** кишини доимий иш билан таъминлаган

---

Фоиз ставкаси: Марказий банк асосий ставкасидан **4 фоизлик пункт юқори** ставкада

---

Кредит ажратиш асосий воситаларни сотиб олиш учун **24 ойгача имтиёзли давр**  
мақсади ва муддатлари: билан **84 ойгача** ажратилади.

---

### 2. 1,5 миллиард сўмгача лизинг хизматлари кўрсатиш:

---

Иштирокчилар: тадбиркорлик фаолиятини кенгайтириш истаги бўлган ва лойиҳалари белгиланган тартибда истиқболли лойиҳа сифатида танлаб олинган қўйидаги **кичик тадбиркорлик субъектлари**:  
24 ойдан ортиқ фаолият кўрсатаётган;  
охирги 12 ойда айланма маблағлари миқдори 1 млрд сўмдан 10 млрд сўмгача бўлган;  
камида **ўн нафар** кишини доимий иш билан таъминлаган

---

Фоиз ставкаси: Марказий банк асосий ставкасидан **4 фоизлик пункт юқори** ставкада

---

Мақсади ва муддатлари: асбоб ускуналар, технологик жиҳозлар ва махсус техникаларни сотиб олиш учун **24 ойгача имтиёзли давр** билан **84 ойгача** амалга оширилади

---

### 3. 1,5 миллиард сўмгача фоизсиз бўлиб-бўлиб тўлаш шарти билан қарзга асосий восита олиб бериш:

---

Иштирокчилар: тадбиркорлик фаолиятини кенгайтириш истаги бўлган ва лойиҳалари белгиланган тартибда истиқболли лойиҳа сифатида танлаб олинган қўйидаги **кичик тадбиркорлик субъектлари**:  
24 ойдан ортиқ фаолият кўрсатаётган;  
охирги 12 ойда айланма маблағлари миқдори 1 млрд сўмдан 10 млрд сўмгача бўлган;  
камида **ўн нафар** кишини доимий иш билан таъминлаган

---

---

Мақсади ва муддатлари: асбоб ускуналар, технологик жиҳозлар ва махсус техникаларни сотиб олиш учун **24 ойгача имтиёзли давр** билан **84 ойгача амалга оширилади**.

---

#### **4. Лойиҳаларда 1 миллиард сўмгача миқдорда улушдор бўлиб иштирок этиш:**

Иштирокчилар:	тадбиркорлик фаолиятини кенгайтириш истаги бўлган ва лойиҳалари белгиланган тартибда истиқболли лойиҳа сифатида танлаб олинган қуйидаги <b>кичик тадбиркорлик субъектлари</b> : 24 ойдан ортиқ фаолият кўрсатаётган; охирги 12 ойда айланма маблағлари миқдори 1 млрд сўмдан 10 млрд сўмгача бўлган; камида <b>ўн нафар</b> кишини доимий иш билан таъминлаган
Қўллаб-қувватлаш тури:	бўш турган давлат мулки объектлари ва ер майдонлари, асбоб-ускуналар, бино-иншоотлар ва бошқа кўринишдаги моддий активлар билан <b>20 фоизгача, бироқ 1 млрд сўмдан ортиқ бўлмаган қийматда улушдор</b> бўлиб иштирок этиш
Улушдан даромад:	кичик тадбиркорлик субъекти фаолияти натижасидаги соф фойдадан дивидендлар; улушни бозор баҳосида баҳолаб сотишда кўриладиган фойда
Улушдан фойдаланиш муддатлари:	марказлар томонидан лойиҳага киритилган улушни <b>7 йил давомида</b> бозор қийматида лойиҳа ташаббускорига ёки бошқа салоҳиятли инвесторларга реализация қилиш.

---

#### **5. 2 миллиард сўмгача грант маблағлари тақдим этиш:**

Иштирокчилар:	тадбиркорлик фаолиятини кенгайтириш истаги бўлган ва лойиҳалари белгиланган тартибда истиқболли лойиҳа сифатида танлаб олинган <b>кичик тадбиркорлик субъектлари</b>
Қўллаб-қувватлаш тури:	кичик тадбиркорлик субъектларида <b>инновацион ишланмаларни</b> тижоратлаштириш, юқори технологик стартап лойиҳаларга <b>давлат илмий дастурлари</b> доирасида <b>2 млрд сўмгача</b> грант маблағлар ажратиш борилади. Бунда: марказларда ташкил этиладиган Лойиҳаларни баҳолаш ва танлаш гуруҳлари томонидан ушбу йўналишдаги лойиҳалар танлаб олинади ва Инновацион ривожланиш агентлигига маъқуллаш учун тақдим этилади; Инновацион ривожланиш агентлиги <b>15 иш кунида</b> белгиланган тартибда кўриб чиқиб, <b>маъқулланган лойиҳаларни</b> Марказларга тақдим этади; марказлар маъқулланган лойиҳалар ташаббускорларини махсус дастурлар асосида ўқитади ва сертификат олган ташаббускорларни <b>грант маблағлари ажратиш учун</b> Инновацион ривожланиш агентлигига йўналтиради;

---

---

Инновацион ривожланиш агентлиги мазкур лойиҳаларни белгиланган тартибда **молиялаштиради**;

Инновацион ривожланиш агентлиги давлат илмий дастурлари доирасида молиялаштирилган **тижоратлаштириш ва стартап лойиҳалари рўйхатини** амалиётга жорий қилиш ва кенгайтиришни қўллаб-қувватлаш мақсадида марказларга тақдим этиб боради.

---

## **II. Консултация хизматларини кўрсатиш**

Қуйидаги масалалар бўйича маълумот ва маслаҳатлар бериш:

лицензия, рухсатнома ва сертификатлар олиш, божхона ва солиқ маъмуриятчилиги, экспорт ва импорт операциялари, шартномаларни расмийлаштириш;

давлат харидларида иштирок этиш, шунингдек, ер участкалари ва бино-иншоотларни сотиб олиш ёки ижарага олиш ва лойиҳалаштириш;

тадбиркорликни қўллаб-қувватлаш бўйича амалдаги имтиёз ва преференциялар, мавжуд бошқа енгилликлар ва имкониятлар.